

123. *Scorzonera chondrilloides* Rgl. et Schmalh.

Suffruticosa, floccoco-canescens, glaucescens. Caules e rhizomate suffrutescente numerosi, erecti, a basi dichotome-ramosi, vix spithamaei. Rami ramulique erecti, angulati, non incrassati; capituliferi inferiores capitulum superantes, superiores capitulo paullo-pluries breviores; ramuli steriles iterato-dichotomi, ultimi brevissimi subspiniiformes. Folia demum glabrescentia, inferiora e basi dilatata lineari-filiformia, elongata, caules subaequantia, saepissime trinervia; caulina superiora abbreviata, lineari-subulata. Capitula cylindrica, pauciflora. Involucri praecipue basin versus puberuli foliola adpressa, externa parva ovata ad interna lineari-oblonga sensim aucta, omnia apice calloso-obtusiuscula. Achaenia glabra, tenuia. Pappi rufescentis setae ad $\frac{1}{3}$ longitudinis plumosae, apice scabrae.

Affinis *S. intricatae* Boiss. et *S. tortuosissimae* Boiss. Una „ramis ramulisque incrassatis, capituliferis omnibus elongatis capitula pluries superantibus, involucri phyllis acutis, pappi setis ad medium tantum plumosis”—altera „ramis elongatis divaricatis ramosissimis infracto-flexuosissimis, foliis dichotomialibus recurvis, involucri phyllis acutis, pappi setis inferne plumosis” dignoscuntur.

In Kokania prope pagum Kech, 4500—6000' alt. (O. Fedtschenko).

124. *Crepis corniculata* Rgl. et Schmalh.

Perennis, pluricaulis (?), glauca, exclusis capitulis glabra. Caules teretes supra basin tantum simplices squamati, caeterum paniculato-ramosi, foliosi, polycephali. Folia sessilia, pergamenea, glauca, remote repando-denticulata v. subintegerrima, inferiora ovato-oblonga, superiora oblonga, suprema sublinearia. Capitula cylindrica, pauciflora, breviter pedunculata. Involucris biserialis phylla dorso canescenti-puberula; exteriora brevissima, calyculata, ovato-lanceolata; interiora linearia, scarioso-marginata, dorso sub apice tuberculo corniculato vestita, fructifera indurata. Achaenia elongato-cylindrica, apicem versus paullo tenuiora, striata, glabra. Pappus mollis, achaenium circiter aequans.

Caules inclusa inflorescentia circiter 25—30 cm. alti. Flores flavescentes, involucrum circiter 9 mm. longum paullo superantes. Receptaculum subalveolatum.

Affinis *C. pulchrae*, „foliis pergameneis glaucis subintegerrimis cauleque glabris, capitulis breviter pedunculatis canescenti-puberulis, involucris phyllis sub apice corniculatis” diversa.

In Kokaniae montibus Alai, 8000' alt. (O. Fedtschenko).

XX. GENTIANEA E.

125. *Gentiana pygmaea* Rgl. et Schmalh.

Annua, pusilla, glabra. Caulis brevissimus v. subnullus, ima basi ramulosus, ramis brevissimis. Folia obverse-lanceolata v. obverse elliptica, obtusiuscula v. subacuta, basin versus